

文
獻
叢
編

第
二
十
九
輯



文獻叢編

卷一百一十四



清崇德六年大統曆
內閣大庫藏

大清崇德六年大統曆

文獻叢編第二十九輯目錄

清崇德六年大統曆 照片

蘇州織造李煦奏摺

請安摺

奏報蘇州已得甘霖米價亦平摺

奏報秋收米價摺 附貢單

弋腔教習葉國楨已到蘇摺

進端午龍袍請安摺

聞親征噶爾丹凱旋請准陞見摺

奏夏景雨暘時若米價如常摺

奏參烏林達李永壽家人借端打搶毆辱職官摺

奏報烏林達李永壽家人欺辱官宦情形摺

請安摺 附貢單

奏報鎮江丹陽一帶飛蝗不致成災摺

請安並報秋收米價摺

請借營運銀十萬兩摺

叩賀萬壽並報雨水摺

奏三處織造會議一人出洋及蓋造賜與孫岳頒之房屋事摺

奏議令出洋之杭州織造烏林達莫爾森從上海前往摺

奏賜與孫岳頒之房屋已蓋造完工摺

請安並報稻禾收成摺

奏報杭州織造烏林達莫爾森已從蘇起行進京摺

奏報蘇州士民修建祝聖道場摺

教案史料 軍機處檔

浙江蕭山縣知縣令英韋倪二教士遷徙案

英欽差阿禮國請飭浙省地方官將蕭山縣知縣逼令韋倪二教士遷徙一案速爲妥辦

照會 附倪章二教士及教民周小亭供詞

江蘇揚州英教士戴德生受擾案

英欽差阿禮國知照揚州教士受擾害請即拿辦並將地方官撤任照會 附揚州教士受擾害

案之關係文件

英欽差阿禮國知照所派會同查辦揚州教士被擾一案之員須與領事平行並須秉公

辦理照會

英欽差阿禮國申明麥領事辦理揚州教案並無措置失當之處照會

英欽差阿禮國知照擬先挪銀一千五百兩爲三家養傷之資照會 附英國麥領事收據

工程史料

內務府檔
續

總理工程三和英廉等奏辦運修建淳化軒木植摺

總理工程福隆安等奏瀛臺工程請預支銀五萬兩摺

總理工程三和英廉等奏踏勘永安寺工程繕單呈覽摺

總理工程三和英廉等奏約估德壽寺牌樓銀兩摺

總理工程三和英廉等奏銷算泰陵工程用過銀兩摺

廣西通省洋務總局造報光緒叁拾壹年冬季分各府廳州縣屬內設立
教堂處所及教士姓名表冊

附文獻館二十四年七月工作報告

蘇州織造李煦奏摺

李煦奏摺，舊藏故宮懋勤殿，與本編第九期所刊江南織造曹寅摺，同爲繳回硃批奏摺之一，案曹李二氏以內府司員，出任織造，所奏事多關地方政務，不盡屬職權內事，蓋清之於織造，例簡內府親信充之者，殆亦爲耳目計也，前刊曹寅摺，已可窺見，近所檢李煦摺起康熙三十二年以迄康熙末年，凡數百件，於當日江南地方政治之措施，社會風俗之狀況，足資參考之處甚多，因依次采錄於左。

請安摺

摺封標書「三十二年六月」

管理蘇州織造員外郎臣李煦爲恭請聖安事竊念臣本包衣下賤蒙恩特用竭蹶有心報稱乏術身雖在外神戀闕庭每欲馳叩又以職守所羈不敢擅離今特端請皇上萬安少展犬馬思念之誠謹此奏聞

硃批朕五月間偶感時氣後變瘡疾至二十九日方痊今已大安如平時一樣

奏報蘇州已得甘霖米價亦平摺

康熙三十二年七月

管理蘇州織造員外郎臣李煦爲謹奏雨澤已降事竊惟今夏天時亢旱各處

祈雨仰賴皇上洪福于六月十八日已得甘霖近復霑足蘇州地方傍河田地原有蓄水可車竟屬無恙惟山田高壤插蒔稍遲者約有五六分收成目下米價亦平粗者七錢上下細白者九錢一兩不等民情安堵共慶天庥臣無地方之責不應瀆陳仰見皇上愛民如子視民如傷之至意敢就所知謹奏以聞康熙三十二年七月日

硃批朕已大安五月間聞得淮徐以南時暘舛候夏澤愆期民心慌慌兩浙尤甚朕夙夜焦思寢食不安但有南來者必問詳細聞爾所奏少解宵旰之勞秋收之後還寫奏帖奏來凡有奏帖萬不可與人知道

奏報秋收米價摺

康熙三十二年十月
附貢單一

管理蘇州織造員外郎臣李煦謹奏切臣身在吳門心戀闕庭祇因犬馬下賤不敢時請聖安惟讀邸抄知皇上駕幸口外龍體康和不勝忻忭恭請萬安又見皇上軫念民生殷懷水旱前蒙御批臣奏摺于秋收之後還寫奏帖奏來幸自七月至今雨暘時若目下正屆秋收蘇州地方如前所奏傍河田地已獲全

收腹內山田亦得六七分收割米價陳者如故一兩上下不等新者未廣尙無定價而民心安堵共樂雍熙實是皇上洪福所致無煩睿慮者也臣據所知謹奏以聞外有洋漆小件數種粗礪不堪非同雅玩恭進聖閱康熙三十二年十月日

貢單

洋漆木匣壹件 洋漆金銀片圓盒壹件 洋漆幢盒壹件 洋漆鼓式盒壹件
洋漆香匾壹件 洋漆桃式香盒壹件 洋漆小香盒壹件 洋漆筋拾雙
雕漆荔枝香盒壹件 雕漆梅花香盒壹件 雕漆梅花瓣小香盒壹件
填漆小香盒壹件 李煦

硃批知道了

夾附滿文硃筆諭旨

漢譯文

(佛保將此摺發還李煦)

弋腔教習葉國楨已到蘇摺

康熙三十二年十二月

管理蘇州織造員外郎臣李煦謹奏切臣庸愚陋賤疊荷恩綸揣分難安益深惶悚昨蒙佛保傳諭溫旨倍加歉仄念臣叨蒙豢養並無報効出力之處今尋得幾個女孩子要教一班戲送進以博皇上一笑切想崑腔頗多正要尋個弋腔好教習學成送去無奈遍處求訪總再沒有好的今蒙皇恩特着葉國楨前來教導此等事都是力量做不來的如此高厚洪恩真頂踵未足盡犬馬報答之心今葉國楨已於本月十六日到蘇理合奏聞併叩謝皇上大恩容俟稍有成緒自當不時奏達謹奏康熙三十二年十二月日
硃批知道了

進端午龍袍請安摺 康熙三十三年四月

管理蘇州織造員外郎臣李煦謹奏竊臣煦犬馬微賤感激聖恩日深依戀但報効未能惶悚彌切茲值恭進端午龍袍特請皇上萬安伏惟睿鑒臣煦無任歡欣頌祝之至康熙三十三年四月日

硃批知道了今春因玉泉超葵多事打發回南此人頗不守分爾當絕其往來

方好

聞親征噶爾丹凱旋請准陛見摺

康熙三十五年七月

管理蘇州織造員外郎臣李煦謹奏恭請皇上聖安竊惟我皇上如天之仁海外沾被何物噶爾丹悖逆聖化致干天威皇上親統六師聲罪致討大兵所至鼠寇膽寒望風披靡朔荒永靖此皆我皇上聖武獨斷廟算無遺躬先士卒甘歷勞苦以成不朽鴻烈亘古帝王莫之能及真四海享昇平之福萬年垂郅隆之治也但皇上出師以來臣煦不能遠隨鞭撻戀主之心寤寐難安恭聞凱旋不勝歡忭伏乞皇上允臣所請特垂俞旨俯准陛見俾犬馬之私少抒萬一臣煦曷勝引領待命至蘇州地方今歲雨澤時調秋成可望兼聞大捷共樂昇平併奏以聞康熙三十五年七月日

硃批朕親統六師逾少

應作沙

漠瀚海北征噶爾丹皆賴上天之眷

應作眷

祐

所至前者七子去時前日已有旨了

奏夏景雨暘時若米價如常摺

康熙三十七年六月

管理蘇州織造員外郎臣李煦謹奏恭請皇上萬安臣煦前奏春景摺子捧接御批知道了夏景如何有來人便報奏欽此今蘇州地方入夏以來雨暘時若秧苗盡皆插種交小暑後天雖大晴水亦儘足禾苗茂盛時景甚好米價如常百姓樂業謹奏以聞康熙三十七年六月日

硃批秋收後有人來便遞報

奏參烏林達李永壽家人借端打搶毆辱職官摺

康熙三十七年六月

管理蘇州織造員外郎臣李煦謹奏切臣煦包衣愚蠢蒙皇上洪恩管理織造自到蘇州以後競競業業惟恐隕越取咎以負高厚大德所以家人衙役時加告誡不許生事擾民不意今有烏林達李永壽在蘇所買家人孫雲初聞因伊繼父孫貴係鄉宦陸經遠之家僕自縊身死孫雲於本年六月初九日輒領棍徒打鬧陸家路捉經遠沿街毆辱臣隨將孫雲發有司監禁一面移咨撫臣宋榮究審具題一面先將情由具摺奏明外今臣細加察訪孫貴並非孫雲之繼父明係假冒屍親借端打搶毆辱職官大干功令且聞所搶衣飾現寄彭五家

內而孫雲之夥黨內若有陸君瑞李小二徐斌許來池梅志德王鬍子等俱係李永壽之家人更爲可異除孫雲等應聽撫臣究擬外但李永壽係包衣下人不思安靜謹慎仰報皇上洪恩輒混買無賴之徒平日不能教訓臨事不能約束以致毆官抄搶則狗縱之愆臣不能爲李永壽寬也理合指參聽候皇上批發包衣大人嚴加議處以爲不職之戒至臣煦不能轉飭李永壽訓束家人凜遵法紀咎亦難辭統乞睿鑒施行康熙三十七年六月日
硃批巡撫參本到了此奏知道了

奏報烏林達李永壽家人欺辱官宦情形摺

康熙三十七年六月

管理蘇州織造員外郎臣李煦謹奏恭請皇上萬安切有本衙門烏林達李永壽在蘇所買家人孫雲因伊繼父孫貴在鄉宦陸經遠家爲僕于六月初八日被責投繯身死初九日孫雲輒領地方棍徒竟至陸家打鬧又路捉陸經遠沿街毆辱不知法紀有干功令臣正查拿間隨據烏林達李永壽將伊家人孫雲并賣身文契拿送臣處臣因撫院布政司俱赴常州熱審且有地方棍徒在內

臣無地方之責不便追究當將孫雲發有司監禁一面移咨撫臣審究另疏題報外因事關本衙門人役理合據實先行奏聞伏乞睿鑒施行康熙三十七年六月日

硃批自立織造以來未嘗有此異事今聞蘇州烏林達家人犯法欺辱官宦源應作原屬可惡巡撫題參後自有嚴旨處分此本知道了

請安摺

康熙三十七年十月
附貢單一

管理蘇州織造員外郎臣李煦謹奏恭請皇上萬安康熙三十七年十月日

貢單

佛手計二桶 香圓計二桶 荔枝計二桶 桂圓計二桶 百合計二桶
青菓計二桶 木瓜計二桶 桂花露計一箱 玫瑰露計一箱 薔薇露計一箱
水仙計四桶 泉酒計一百罈
硃批知道了

奏報鎮江丹陽一帶飛蝗不致成災摺

康熙三十八年閏七月

管理蘇州織造郎中臣李煦謹奏恭請皇上萬安切照七月十七日家人齋回皇上批發臣煦謝恩奏摺奉旨今歲秋景隨便奏知謝恩知道了臣煦跪讀之下仰見我皇上軫念民生之至意今查蘇州地方自夏以來田禾甚好交秋之後雨水亦調惟聞鎮江丹陽一帶直至常州境內忽有飛蝗又開家湖地方生有蝻子業經署理兩江總督臣陶岱委江常鎮道臣施朝輔鎮江府知府臣談允誠廬州府通判臣王景文江寧縣知縣臣陳九睦鎮江營參將臣盧士聯等率同兵役鄉民隨處撲滅掘坑深埋幸而飛蝗僅集於蘆草之處督臣又令砍燒蘆草盡行撲滅尤賴皇上洪福大沛甘霖遺種盡絕不致成災臣煦仰體皇上愛民心切恐厯聖慮理合具奏以聞伏乞睿鑒施行康熙三十八年閏七月
日
硃批知道了

請安並報秋收米價摺

康熙三十七年十一月

管理蘇州織造員外郎臣李煦謹奏恭請皇上萬安切惟我皇上臨幸關東仰